

# Službene novine Kantona Sarajevo, broj 5/24

Na osnovu člana 20. Zakona o državnoj službi u Kantonu Sarajevo ("Službene novine Kantona Sarajevo", broj 31/16 i 45/19), člana 9., 38. i 47. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19 i 40/22), člana 47. Zakona o namještenicima u organima državne službe u Federaciji Bosne i Hercegovine ("Službene novine Federacije BiH", broj 49/05), člana 47., 59., 60., 61., 62., 65., 70., 78., 90. i 112. Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), člana 2. i 3. Uredbe o naknadama koje nemaju karakter plaće ("Službene novine Kantona Sarajevo", broj 17/19 i 52/23) i Uredbe o naknadama troškova za službena putovanja ("Službene novine Kantona Sarajevo", broj 21/19), mišljenja Sindikalne organizacije kantonalnih organa državne službe Kantona Sarajevo, Ministarstva pravde i uprave Kantona Sarajevo, Ministarstva finansija Kantona Sarajevo i Ureda za zakonodavstvo Vlade Kantona Sarajevo, direktor Zavoda za informatiku i statistiku Kantona Sarajevo donosi

## **PRAVILNIK**

### **O IZMJENAMA I DOPUNAMA PRAVILNIKA O PLAĆAMA I NAKNADAMA DRŽAVNIH SLUŽBENIKA I NAMJEŠTENIKA U ZAVODU ZA INFORMATIKU I STATISTIKU KANTONA SARAJEVO**

#### **Član 1.**

##### **(Izmjena člana 6. Pravilnika)**

U Pravilniku o plaćama i naknadama državnih službenika i namještenika Zavoda za informatiku i statistiku Kantona Sarajevo ("Službene novine Kantona Sarajevo", broj 34/21 i 45/22) (u daljnjem tekstu: Pravilnik), u članu 6., u tabelarnom prikazu, oznaka za dosadašnji platni razred "X" mijenja se u oznaku platnog razreda "IV".

#### **Član 2.**

##### **(Izmjena člana 10. Pravilnika)**

Član 10. Pravilnika mijenja se i glasi:

#### **"Član 10.**

##### **(Dio plaće po osnovu ocjene rada)**

(1) Dio plaće koji pripada državnom službeniku i namješteniku po osnovu ocjene rada utvrđuje se, kako slijedi:

a) za ocjenu "izuzetno uspješan"/"naročito uspješan" 5% od osnovne plaće;

b) za ocjenu "uspješan" 2% od osnovne plaće.

(2) Procenat na ime ocjene rada iz stava (1) ovog člana pripada državnom službeniku i namješteniku na mjesečnom nivou do sljedećeg ocjenjivanja.

(3) Primjena procenata na ime ocjene rada iz stava (1) ovog člana počinje danom stupanja na snagu važećeg Kolektivnog ugovora."

#### **Član 3.**

##### **(Izmjena člana 14. Pravilnika)**

U članu 14. Pravilnika, stav (3) mijenja se i glasi:

"(3) Državni službenik i namještenik koji nije stekao pravo na puni godišnji odmor, za dane godišnjeg odmora po osnovu navršenog mjeseca rada ima pravo na regres srazmjern broju dana godišnjeg odmora koje koristi u odnosu na puni

godišnji odmor."

**Član 4.**  
**(Izmjena i dopuna člana 22. Pravilnika)**

(1) U članu 22. Pravilnika, stav (3) briše se.

(2) U istom članu, dodaju se novi stavovi (3) i (4) koji glase:

"(3) Rješenjem direktora Zavoda se utvrđuje i dužina trajanja pripravnosti za rad.

(4) Naknada za pripravnost za rad utvrđuje se u odnosu na osnovnu plaću državnog službenika i namještenika u iznosu:

a) 16 (šesnaest) sati radnim danom-3%;

b) 24 (dvadesetčetiri) sata subotom, nedjeljom i praznikom u koji se ne radi-5%."

**Član 5.**  
**(Izmjena člana 23. Pravilnika)**

Član 23. Pravilnika mijenja se i glasi:

**"Član 23.**  
**(Otpremnina)**

Državni službenik i namještenik ima pravo na otpremninu prilikom odlaska u penziju u visini svojih 6 (šest) ostvarenih prosječnih neto plaća isplaćenih u prethodnih 5 (pet) mjeseci, bez obzira da li odlazi u starosnu, invalidsku ili prijevremenu penziju, u skladu sa zakonom."

**Član 6.**  
**(Brisanje člana 32. Pravilnika)**

(1) Član 32. Pravilnika briše se.

(2) Dosadašnji članovi 33. i 34. postaju članovi 32. i 33.

**Član 7.**  
**(Stupanje na snagu)**

Ovaj Pravilnik o izmjenama i dopunama Pravilnika o plaćama i naknadama državnih službenika i namještenika u Zavodu za informatiku i statistiku Kantona Sarajevo stupa na snagu narednog dana od dana objavljivanja u "Službenim novinama Kantona Sarajevo".

Broj 26-02-3030/24  
01. februara 2024. godine  
Sarajevo

Direktor  
Mr. **Dino Šehović**, s. r.